



13
1797
2



13  
1797  
2



通俗編卷之四

倫常

忠臣不事二君貞女不更二夫 王蠋語見史記田單傳  
求忠臣必于孝子之門 後漢書韋彪傳引孔子語云云

注曰此孝經緯之文也

世亂識忠臣 見唐書崔圓傳五代史死節傳按老子上  
篇國家昏亂有忠臣為此語所本

天下無不是底父母 小學羅仲素論瞽瞍底豫而天下

之為父子者定云只為天下無不是底父母

至親莫如父子 漢書高帝紀人之至親莫親于父子故

父有天下傳歸于子子有天下尊歸于父 史字文護  
傳天下至親不過兄弟袁采世範人之至親莫過于父

子兄弟

知子莫若父知臣莫若君 管子大匡篇鮑叔曰先人有言云云左傳僖七年子文亦曰古人有言知臣莫若言 晉語祁奚曰人有言擇臣莫若君擇子莫若父戰國策 趙武靈王謂周紹曰選子莫若父論臣莫若君 有是父斯有是子 孔叢子居衛篇子思曰有此父斯有 此子道之常也揚子法言石奮石建父子之美也無是 父無是子無是父又史記酷吏傳天子謂張湯 母曰非此母不生此子晉書范逵謂陶侃母曰非是母 不生是子 教子以義方 左傳隱三年石碯曰愛子教以義方弗納 于邪馮道贈竇禹鈞詩燕山竇十郎教子以義方

清白遺子孫

後漢書趙震傳子孫蔬食步行或令開產 業震曰使後世稱為清白吏子孫以此遺之不亦厚乎 隋書房彥謙謂其子曰人皆以祿富我獨以官貧所遺 子孫在于清白南史徐勉曰人遺子孫以財我遺之 清白

清白

子承父業

傅燈錄利山和尚舉揚此語

養子方知父慈

又洞山价舉揚此語

無官一身輕有子萬事足

東坡居士集賀子由生第四

孫詩戴表元集壽陳子猷太傅十詩以無官一身輕有

子萬事足為韻

家憑長子國憑大臣

見元王仲文救孝子劇

養兒備老

元稹詩養兒將備老高明琵琶曲養兒代老

積穀防饑

孃惜細兒 袁文瓮牖閑評世有孃惜細兒之語陟帖之詩云母曰予季行役季少子也母以少子行役其心眷眷然而形之語言如此此正所謂娘惜細兒者不獨今人為然按袁氏浙東鄞人今此語仍行浙東其事情則國策趙威后曾明言之

鼻祖 揚雄反騷有周氏之嬋媯兮或鼻祖于汾隅方言鼻始也獸之初生謂之鼻梁益之間謂鼻為初或謂之祖注曰鼻祖皆始之別名也評旌陽服氣書人受胎于父母其始成鼻畫家畫人亦從鼻始故鼻云祖又說文俗以始生子為鼻子

義父 洛陽伽藍記隱士趙勉云是晉武時人正光初來

京師汝南王聞而異之拜為義父謝肇淛文海披沙項羽尊懷王為義帝猶假帝也唐人謂假髻曰義髻彈箏假甲曰義甲皆以外置而合宜者故今人謂假父曰義父假子曰義子義女按唐書王世充傳請事侗母劉太后為假子李錡傳番落健兒稟給十萬使號錡為假父假父假子之稱又見于此晉史遷呂不韋傳所云假父乃與後世義父不同

公婆 明孝慈錄舅姑即公婆按公婆之稱古有之也漢書賈誼策抱哺其子與公併侂古為焦仲卿妻詩便可白公姥及時相遣歸乃謂舅為公也晉樂府後來新婦今為婆干寶搜神記李信妻走告姑曰阿婆兒夜來不知何故變相乃謂姑為婆也

再生父母

元史烏古孫澤初知興化軍繼改軍為路授澤行總管府事民候迎道左曰是曩昔再生父母也

顯考妣

邱濬家禮儀節家禮舊本于高曾祖考妣上俱

加皇字今本改作故字似俗不若用顯字蓋皇與顯其

義相符潘昂霄金石例古人書皇祖皇考韓魏公易以

顯字元典章天德四年江西省咨萍鄉縣侯震翁告朱

惠孫墓菴內供伊母魂牌刊寫皇妣字樣儒學提舉司

于禮記內披究得皇妣二字經典該載不曾奉到上司

明文合與不合迴避咨請回示部議得省儒學攷究雖

出經典理宜迴避已追牌座當官燒毀今後徧行禁止

按當時但禁用皇字其改作某字未著明文今通行書

顯考妣蓋先經易于韓魏公之言實也

府君

府君本漢太守之稱後漢書廣陵太守陳登患胸

中煩懣華佗脉之曰府君胃中有蟲三國志孫策進軍

豫章華歆為太守葛巾迎策策曰府君年德名望遠近

所歸近世疏狀譜牒乃以稱其祖考攷司馬溫公書儀

慰狀格式先某位奄葉榮養自注云無官改先某位為

先府君朱子家禮祠堂章自注云無官者以生時行第

稱號加于府君之上又語錄無爵而曰府君夫人漢人

碑已有只是尊神之辭府君如官府之君今人亦謂父

曰家府君姚翼家規通俗編蓬窗類記言無官者稱府

君蓋襲古式而不知本朝有禁然禁無可攷而嘗于載

籍中見湛甘泉告祖文稱曾祖處士府君此公非不知

禮不攷典故者邱文莊乃本朝達禮之士其輯家禮亦

通作類 卷四  
稱處士府君恐蓬窗所記誤也詩先祖是皇注皇君也而慶源輔氏曰君即府君之謂則府君乃人子尊祖考之辭非以爵稱也明矣

太君 宋史職官志凡升朝官以上遇恩母封縣太君妻封縣君更上則郡太君郡君司馬溫公書儀母亾云先太夫人先太君無封邑者止云先夫人

孤哀子 開元禮虞祭祝文父喪稱孤子母喪稱哀子祖父稱孤孫祖母稱哀孫六小祥祭如之宋子家禮父母俱亾即稱孤哀子又曰凡禮中所言孤子如當室及不純采之類皆謂已孤之子非所自稱也而鄭氏禮注亦云三十以下無父稱孤明三十以上不得為孤也今欲行古禮父母喪俱宜稱哀子然世俗相承已久恐難卒

變語類或問世間孤哀之稱如何曰溫公因今俗以為父母不欲混也從之亦無害陳子昂為其父墓志自稱

孤子李華祭蕭穎士文已言父喪亦自稱孤子

承重孫 儀禮喪服傳為父後者則為出母無服疏云謂父歿適子承重不合為出母服承重二字見此通典有晉庾純等適孫為祖承重議按晉書禮志云陳留王奉魏氏所承者重不得服其私親五代史晉家人傳論亦云為人後者所承重則承重之言不獨專于祖孫

孝子 禮雜記祭稱孝子孝孫喪稱哀子哀孫劉熙釋名祭曰卒哭止孝子無時之哭也期而小祥孝子除首經也又期而大祥孝子除練服也問月而禫孝子之意澹然衰也皆因祭以稱之今概謂居喪者曰孝子服曰戴

孝不典也而其俗自晉宋來皆然晉書王綏傳父為殷  
 桓所捕未測存亡綏居處飲食每事貶降時人謂為試  
 守孝子采書明恭王皇后傳廢帝欲加酖害左右止之  
 曰若行此事官家便作孝子南史周盤龍傳不為世子  
 便為孝子孝子則門加素堊世子則門施丹楮梁邵陵  
 王綸傳道逢喪車奪孝子服而著之冥明徹傳葬日有  
 乘白馬者經墳此是最小孝子大貴之徵北史崔儼傳  
 崔子約居喪哀毀人云崔九作孝風吹即倒王獻傳獻  
 之葬也假姻親義嘗衰絰縞冠送喪者千餘人時人謂  
 之義孝

孝子順孫 漢書黃霸傳百姓鄉化孝子弟貞婦順孫  
 日以衆多後漢書百官志注三老掌教化凡有孝子順

孫貞女義婦皆扁表其門按孝順二字始見楚語孝順  
 以納之忠信以發之

公子王孫 戰國策公子王孫左挾彈右攝丸此四字連  
 見故籍者史記貨殖傳宛孔氏有游間公子之名師古  
 曰公子者王侯貴人之子言其舉動性行有似之若今  
 言諸郎矣漢書韓信傳哀王孫而進食蘇林曰王孫言  
 如公子也文海披沙秦漢人相呼率有此美稱如蔡中  
 郎謂王粲為王孫雋不疑謂暴勝之為公子蓋亦口頭  
 虛語耳

兒子 史記齊悼惠世家兒子畜之張釋之傳教兒子不  
 謹漢書高帝紀鄉者夫人兒子皆以君魏志王昶傳書  
 戒兒子及子曰郭伯益宏曠不足輕貴有餘不願兒子

為之徐偉長不治名高惟道是務願見子師之劉公幹  
性行不均少所拘忌不願見子慕之任孝先淳粹履道  
內敏外恕願見子遵之晉書桓元傳殷仲堪常懷成敗  
之計為見子作慮劉曜載記崔岳曰吾既無兄弟之累  
身又薄祜未有見子

子息 戰國策老臣賤息舒祺最少尸子注息小兒也東

觀漢記有此我子息之語

孩子 墨子明鬼篇殷紂賊誅孩子論衡本性篇紂為孩

子之時微子睹其不善之性焦氏易林孩子含餌為利

所悅

魚子 水經注變童中女弱年魚子方言魚者子也湘沅

之間凡言是子者謂之魚子按魚音如宰俚俗以為罵

語其實非罵語也

囡 顧况哀囡詩郎罷別囡囡別郎罷按閩中方言以父

為郎罷子為囡也集韻囡音蹇今俗亦以囡子為罵語

豚兒犬子 史記司馬相如傳少學擊劍其親名之曰犬

子三國志注曹公曰生子當如孫仲謀劉景升兒子若

豚犬耳是豚兒犬子乃輕賤之辭也謂書曰札別為一

說云越語范蠡欲國民衆多凡國人生丈夫子與酒三

壺犬一生女子與酒一壺豚一所謂豚犬蓋幼幼之事

殊亦有據

末代孫 天戴禮少間篇禹崩十七世乃有末孫桀武丁

後九世乃有末孫紂皆不率先王明德而亡岳珂程史

韓侂胄既逐趙忠定太學生敖陶孫題詩三元樓壁曰



九原若遇韓忠獻休說渠家末代孫

遺腹子 淮南子說林訓遺腹子不思其父無親于心也

史記趙世家趙朔妻有遺腹走匿公宮季廣傳李當戶

有遺腹子名陵後漢書鄭康成傳康成子益恩赴黃巾

之難有遺腹子名小同以下諸史言遺腹子頗多又遺

腹女見後漢劉平傳

姪男 顏真卿序顏元孫干祿字書第十三姪男真卿書

柳宗元祭六伯父文亦自稱姪男按姪本姑謂兄弟之

女之稱釋名姪迭也共行事夫更迭進御也爾雅喪服

經左傳雖亦借稱兄弟之子並是對姑之辭通典雷次

宗曰謂吾姑者吾謂之姪此名特從姑發以女子有行

事殊伯叔故特制姪名而字偏从女如舅與從母為親

不異而言謂我舅者吾謂之甥亦特自舅而制也名發

于舅字亦从男故姪字有女明不及伯叔甥字有男見

不及從母是以周服篇無姪字小功篇無甥名也對伯

叔而稱姪顏之推謂自晉世始之晉書王湛傳王濟才

氣抗邁于湛畧無子姪之敬是也唐人嫌其混于女子

而加男字明之雖出名流未免杜撰之目

弟男子姪 元典章有新附軍人弟男子姪結連惡少為

害四字始見

三男兩女 後漢書方術傳三男兩女孫息盈前何為坐

自殫竭按三兩是約舉之辭時語可驗

大男小女 韋木子載呂思誠寄內詩少米無柴休懊惱

大男小女好看成按小男小女見管子海王篇注

男大須婚女大須嫁 五燈會元楊次公傑判有男不婚有女不嫁之偈曰男大須婚女大須嫁討甚閑工夫更說無生話寄天衣懷稱善

相女配夫 見王實甫西廂劇

兒女債 琵琶曲願相公早畢兒女之債

倒箱女 莊綽雞肋編江浙人生女多者畢嫁作倒箱會

女生外嚮 百虎通男生內嚮有畱家之義女生外嚮有

從夫之義按孟子疏引作女生內嚮男生外嚮化譌

盜不過五女之門 後漢書陳蕃傳引諺云云

抱不哭的孩兒 程子遺書不哭的孩兒誰抱不得

多年為老娘倒綳孩兒 張師正倦游錄苗振將試館職

晏相曰宜稍溫習振曰豈有三十年為老娘倒綳孩兒

者乎既試不中選晏笑曰苗君竟倒綳孩兒矣按今諺

有云多年老娘錯剪臍帶即此語耳

教婦初來教兒嬰孩 顏氏家訓教子篇俗諺云云誠哉

斯言按謂端其始也今諺云三朝息婦月裡孩兒同此

不癡不聾不成姑公 頌子不聽不明不能王不聾不聾

不能公釋名充耳所以止聽故里語曰不痞不聾不成

姑公張湛列子力命篇注引語不聾不聾不能成功采

書庾炳之傳何尚奏曰仲文嘗言不癡不聾不成姑公

隋書長孫平傳有告都督邴紹非毀朝廷者帝將斬之

平諫曰鄙諺不癡不聾未堪作大家翁此言雖小可以

喻大唐書郭曖與昇平公主琴瑟不調主恚入奏尚父

拘曖詣朝待罪上曰不癡不聾不作阿家阿翁

醜婦怕不得見舅姑  
蘇子瞻雜纂二續載怕不得八事  
一曰醜婦見舅姑

落索阿姑餐  
顏氏家訓治家篇婦人之性率寵子婿而  
虐兒婦諺云落索阿姑餐此其相報也

夫侶婦隨  
出關尹子  
鄉里夫妻  
南史張彪傳呼妻為鄉里曰我不忍鄉里落

他處沈約山陰柳家女詩還家問鄉里詎堪持作夫丹  
鉛續錄俗語鄉里夫妻步步相隨言鄉不離里如夫不  
離妻也

單夫隻妻  
齊民要術紅花一頃日須百人摘取一家手  
力十不充一但每旦有小兒僮女百十餘羣自來分摘  
是以單夫隻妻亦得多種

夫主  
後漢書班昭女誠正色端搽以事夫主又云不知  
夫主之不可不事禮義之不可不存也又云婦人之得  
意于夫主由舅姑之愛已也

妻子  
詩妻子好合韓非子鄭人使其妻為袴曰象吾故  
袴妻子因毀新令如故杜甫詩結髮為妻子席不煖君  
床按此本僅言妻而兼助以子字今語猶有然

結髮夫妻  
又選蘇子卿詩結髮為夫妻恩愛兩不離又

曹植詩與君初定情結髮恩義深古為焦仲卿詩結髮  
同枕席黃泉其為友江淹詩而我在萬里結髮不相見

賈憲天祿閣外史寡人有母結髮于先君而生寡人北  
史齊文宣紀謂崔暹妻曰頗憶暹不日結髮義淡實懷  
追憶又馮翊太妃傳司馬子如曰妃是王結髮婦按結

髮本言初冠時史記主父偃傳結髮游學李廣傳結髮與匈奴戰漢書霍光傳結髮內侍後漢書魯褒傳結髮傳父業皆是也蘇子卿詩亦謂自初冠時為夫妻而後人直借以代夫妻字

繼室 左傳隱元年繼室以聲子又昭三年齊侯使晏嬰請繼室于晉

正室側室 周禮正室謂之門子注云正室適子將代父當門者禮記文王世子若有出疆之政庶子守公宮正室守太廟注亦云正室適子也左傳桓二年天子建國諸侯立家卿置側室注云側室眾子也又士年趙有室曰穿注云側室支子按諸經則正室側室古不以言妻妾言其所生子也然淮南修務訓稱以楚莊之琴側

室爭鼓之注云側室之寵人則妾自有側室之稱漢書文帝曰朕高皇帝側室之子也宋書陸展染鬚髮欲以媚側室妾云側室妻可云正室矣

小 詩愠于羣小注曰小眾妾也漢書元后傳小婦弟張美人師古曰小婦妾也水經河水注引佛經有國王小夫人生肉胎大夫人妒之亦分妻妾為大小

如夫人 左傳僖十七年齊侯多內寵內嬖如夫人者六人渾家 元典章萬戶千戶裡有底渾家孩兒也教依例當差按續燈錄可真舉渾家送上渡頭船句蓋宋有斯稱未亾人 左傳莊二十八年楚文夫人曰令尹不尋諸仇

讐而于未亾人之側又魯穆姜衛定姜俱自稱未亾人見成九年十四年傳

夫妻反目

易小畜爻辭

惡婦破家

易緯引古語躡馬破車惡婦破家又申子妒

妻不難破家

娶婦不著一生貧

楊誠齋江東集和王道父山歌種田

不收一年事娶婦不著一生貧

家有賢妻丈夫不遭橫事

見元曲選益兒鬼劇

難兄難弟

世說陳元方子與季方子爭論父功德諮于

太邱太邱曰元方難其兄季方難其弟

昆玉

南史王玠傳子琳娶梁武帝妹有子九人並知名

時人以爲玉昆金友崔鴻前涼錄辛攀兄弟五人並以

才識名秦雍爲之語曰五龍一門金友玉昆按今稱人

弟兄曰昆玉義應本此但不曰金玉曰昆友而曰昆玉

似復別有出處晉書陸機兄弟生華亭並有才名人比之崑岡出玉昆玉或崑玉之譌歟

同堂兄弟

北史公孫表傳祖季真云二公孫同堂兄弟

耳吉凶會集便有士庶之異崔鑣傳崔休誠子姪曰汝

等皆宜一體勿作同堂意又三國志孫琳傳注亮言琳

同堂妨邂逅泄漏誤孤非小

孝弟

舊唐書崔龜從太和二年改太常博士時饗宗廟

于敬宗室稱皇帝孝弟龜從議曰臣審詳孝字義本主

于子孫理難施諸兄弟宜去孝弟二字制從之按今作

佛事者所題榜疏猶往往有孝弟及孝妻等稱

兄弟

元史泰定帝卽位詔諸王哥哥兄弟每也都理會

的又爭立的哥哥兄弟也無有元典章軍戶替補條亦

有哥哥兄弟孩兒每語按俗以兄弟二字并呼其弟據文兄弟上先言哥哥則此呼元時已通行上下也

結十弟兄

顏氏家訓四海之人結為兄弟亦何容易比

見北人甚輕此節行路相逢便定昆季望年觀貌不擇是非至有結父為兄托子為弟者按此事自漢晉以來不勝枚舉南史宋明帝與蘇侯神結為兄弟以祈福助尤其恠誕者也春明退朝錄太宗謂侍臣曰昔唐莊宗終日沉飲與俳優輩結十弟兄不知當時刑政何如也結弟兄期以十人為數又見于此

牽郎郎拽弟弟

張懋建石癡別錄兒童衣裾相牽每高

唱云云初意其戲詞後見詢芻錄乃知為多男子祝辭

房分

漢書石奮傳入子舍師古曰諸子之舍若今言諸

房矣北魏書宗室深傳其往世房分留居京者得上品

通官在鎮者便為清途所隔

中表

晉書杜后傳母裴氏中表之美高于當世列女傳

王渾妻鍾氏禮儀法度為中表所則隋書經籍志有盧

懷仁中表實錄二十卷高諒表親譜四十卷

半子

唐書回紇傳咸安公主下嫁可汗上書言昔為兄

弟今為半子劉禹錫祭陽庶子文乃命長嗣為君半子

嬌客

蘇軾和王子立詩婦翁未可拋王郎非嬌客注曰

女婿曰嬌客子立乃子由婿也老學菴筆記秦檜有十

客吳益以愛婿為嬌客

補代

猶覺寮雜鈔世號贅婿為布袋不曉其義或云如

身入布袋氣不得出也項附舟入浙有同舟者號李布

袋篙人問其說一人曰語訛也謂之補代人家有女無子恐世代自此而絕不肯出嫁招婿以補其世代耳此言絕有理潛居錄馮布少時絕有才幹贅于孫氏其外父有煩瑣事輒曰俾布代之故吳中謂婿曰布代按馮布事未見他書元人雜劇如張國賓薛仁貴武漢臣老生兒並有補代之言朱氏猗覺察之言是也

連衿

見禮記又蜀志李恢傳姑夫爨習為犍為令有違

姑夫

見禮記又蜀志李恢傳姑夫爨習為犍為令有違

犯事恢坐習免南史袁淑傳至十餘歲為姑夫王弼所賞范雲傳六歲就其姑夫袁叔明讀毛詩又婦人呼小姑之夫亦曰姑夫五代史唐王淑妃傳石敬瑭兵犯京師妃謂太后曰事急矣宜少避以俟姑夫呂氏童蒙訓

故家晁氏凡諸姑尊姑之夫必曰某姓姑夫某姓尊姑夫未嘗敢呼字也

姨夫

續釋常談元氏小叔與姪大淵書吾時在鳳翔每借書于齊倉曹家徒走就陸姨夫即受

姊夫

漢書霍光傳夜設九賓延見姊夫昌邑關內侯

志呂蒙傳少依姊夫鄧當蜀志來敏傳隨姊夫黃琬奔荆州晉書郗愔傳與姊夫王羲之並有邁世之風石勒載記姊夫張越與諸將蒲博戲言忤勒世說張敏曰秦子羽雖有姊夫之尊然少而狎焉

妹夫

漢書王子侯表隆元侯坐知女妹夫亡命匿罪免

晉書賈后傳后詐有身取妹夫韓壽子尉祖養之季特載記特弟岸與妹夫李含等以四十騎歸趙厥北史崔

昂傳崔昂直臣魏收才士婦兄妹夫俱省罪過授爾雅  
姊妹之夫為甥古無直以姊妹夫相稱謂者自漢以來  
稍稍見諸史籍如此

小舅小叔相追相逐 北夢瑣言引諺

外甥多似舅 晉書何無忌傳無忌劉牢之甥酷似其舅  
世說新語桓豹奴是王丹陽外生形似其舅又殷顛是  
謝鎮西外甥謝公熟視殷曰阿巢故似鎮西王維詩寧  
親為令子似舅即賢甥容齋續筆舊有以書句兩語而  
証以俗語者如丹朱之不肖舜之子亦不肖証之曰外  
甥多似舅

師嚴道尊 禮學記師嚴然後道尊

尊師重傳 漢書孔光傳太后詔書國之將興尊師而重

傳按此語本荀子大畧篇惟尊師苟作貴師

一日為師終身為父 關漢卿玉鏡臺劇有此語

交友投分 見周典嗣千文潘岳有投分寄石友句

小友 唐書李泌傳張九齡呼泌為小友

老友 宋史蔡元定傳朱某曰此吾老友也

親友 戰國策孟嘗君曰所借衣車者非親友則兄弟也

漢書張釋之傳條侯山都侯咸見釋之持議平乃結為

親友後漢書陶謙傳趙昱潛志好學雖親友希得見之

曹植箴後引置酒高殿上親友從我游陶潛詩序停雲

思親友也

貧賤之交不可忘糟糠之妻不下堂 後漢書宋弘語

親者無失其為親故者無失其為故 見禮檀弓



交絕不出惡聲 見戰國策樂毅報燕惠王書

遠親不如近鄰 秦簡夫東堂老曲用此語

百歲奴事三歲主 唐書劉季述傳李振謂程巖曰百歲

奴事三歲郎主常也五代史李振傳無郎字

奴僕宮星陷 四朝聞見錄高宗自能推步星命或臣下

不能始終仰副聖懷則曰吾奴僕宮星陷也

家生奴 漢書陳勝傳免驪山徒人奴產子師古曰奴產

子猶今人云家生奴也百居易詩蒼頭碧玉盡家生

一家一計 見關漢卿望江亭曲又漁樵記亦云

合家大小 北史邵護傳其母作書與護有此語又晉書

王祥傳囑家人大小勿送喪

老小 孟子反其旄倪趙注云王先還其老小後漢書周

舉傳冬中一月莫敢烟爨老小不堪晉書食貨志十二

以下六十六以上為老小不役

家長 詩侯主侯伯箋主家長也墨子天志篇惡有處家

得罪于家長而可為也魏武帝禁絕火令令到人不得

寒食犯者家長半歲刑宋子家禮事無大小必咨稟于

家長又長家見管子立政篇

家無二主 見禮坊記又家主見墨子兼愛篇家主獨知

愛其家而不知愛人之家

家口 南史張敬兒傳迎家口悉下至都北史盧同傳遭

賊家口三十人并免家奴為良李密傳百官家口盡在

東都若不取之安能動物按孟子八口之家管子十口

之家家口二字所從出也

家屬 史記盧縮傳燕王詐論他人以脫張勝家屬後漢書陰皇后紀后隨家屬徙清陽逢萌傳歸將家屬浮海家累 漢書西域傳募民壯健有累重敢徙者詣田所注云累妻子家屬也晉書戴洋傳孫混欲迎其家累洋言此地當敗而止梁昭明陶靖節傳為彭澤令不以家累自隨韓退之與李翱書家累僅二十口攜此將安所歸托乎按今人自言其妻妾子女曰賤累子女多曰累重由于此

宗親 史記五宗世家同母者為宗親

骨肉至親 春秋釋例諸侯之娶各有娣姪為媵皆同姓之國骨肉至親所以息陰訟漢書武五子傳壺關三老上書曰骨肉至親父子相疑又帝謂燕王旦曰今王骨

肉至親晉書左貴嬪為離思賦曰骨肉至親化為他人

內助 魏志郭后傳帝王之治天下不惟外輔亦有內助

采史孟后傳宣仁太后曰得賢內助非細事也

內顧 漢書楊僕傳失期內顧師古注言思妻子也又左

思詩外望無寸祿內顧無斗儲所云內顧意別

尊而不親 禮表記母親而不尊父尊而不親水土親而

不尊火尊而不親天尊而不親命之于民也親而不尊

鬼尊而不親

疏不問親 韓詩外傳李克對魏文侯曰臣聞之卑不謀

尊疎不問親蜀志劉封傳古有言疎不問親新不加舊

離間骨肉 晉書王豹傳長沙王謂齊王冏曰小子離間

骨肉何不銅駝下打殺五代史王思同傳朝廷信用姦

人離間骨肉我實何罪

親眷 鮑照別庾郎中詩已經江海別復與親眷違按唐書宰相世系表有東眷裴西眷裴中眷裴三裴同出自陽吉平侯茂蓋同族亦得有眷稱也

六親 左傳注六親父子兄弟姊妹舅昏媾姻亞又老子六親不和有孝慈王弼注曰六親父子兄弟夫婦也漢書禮樂志六親和睦應劭注曰六親父母兄弟妻子也按呂氏春秋父母兄弟妻子曰六戚與應氏說合

四輩 沈約述僧設會論非資四輩身口無托范梈詩閉戶讀書古都市四輩冠蓋方隆隆按此似泛謂四方之士今俗言四輩者乃指親族友鄰殊覺未合逸周書大武解有四戚之目一內姓二外婚三友朋四同里蓋今

之所言實當為四戚耳

姻家 後漢書蔡邕傳上書言與羊陟姻家豈敢申助私

黨宋史王曾傳太后左右姻家稍通請謁曾多所裁抑

通家 後漢書孔融傳造李膺門曰我是李君通家子弟

膺問之對曰先君孔子與君先人李老君同德比義而

相師友則融與君累世通家三國志滕胤傳父胄與劉

繇州里通家又夏侯元傳注太傅薨許允謂元曰無復

憂矣元曰卿何不見事乎此人猶能以通家年少遇我

鄉親 晉書皇甫謐傳其鄉親勸令應命謐為釋勸論以

通志焉宋書翟法賜傳雖鄉親中表莫得見也

私親 晉書禮志魏明帝詔曰纂正統而奉公義何得復

顧私親哉

牽連之親

楊雄答劉歆書臨邛林閭翁孺與雄外家牽

連之親

指腹為親

魏書王寶興傳尚書盧遐妻崔浩女也初寶興與母遐妻俱孕浩謂曰汝輩將來所生皆我之自出可指腹為親及婚浩為撰儀南史韋叡傳韋放與張率側室俱孕因指腹為婚姻元典章至元六年准中書省議有依前指腹及割衫襟等為親者今後並行革去就親 公羊傳注今就婿為綴婿按俗謂出贅外家曰就親即斯言也

母子

朱子語錄氣體之充都是這一點母子上生出按

母子猶云本元今人多有此語如所謂母子醬油之類人種 世說阮仲容先幸姑家鮮卑婢及姑當遠移初云



留婢既發將去仲容借客驢自追之曰人種不可失立

世毗曇論每一劫末合集閻浮提內男女惟餘一萬箇

為當來人種

斷種 天智度論世人有子若不繼紹則名斷種為最可

耻

若要長觀後養 陳龍正學言詳記引鄉諺

公修公得婆修婆得 見元曲選來生債劇

荒年無六親 見紀歷撮要又楊升菴集引古諺荒年無

六親早年無鶴神

一夜夫妻百夜恩 元曲用此語甚多琵琶記漁樵記秋

胡戲妻舉案齊眉風光好救風塵對玉梳碧桃花諸劇

皆有之其源未詳

巧妻常伴拙夫眠 見武漢臣生金閣劇

兒要自養穀要自種 見楊文奎兒女團圓張國寶羅李

郎二劇

兒孫自有兒孫福莫與兒孫作馬牛 癸辛雜志載葉李

紀夢詩有兒孫自有兒孫福句宋詩紀事載嘉祐時天

台道士徐守信詩兒孫自有兒孫計莫與兒孫作馬牛

元闕漢卿蝴蝶夢劇作莫為兒孫作遠憂

通俗編卷之五

仕進

三年大比 (周禮小司徒三年則大比受邦國之比要又

鄉大夫三年則大比放其德行道藝而興賢能遂大夫

三年大比帥其吏而興氓按今為士者所云大比古鄉

大夫之大比也考之為言亦始于此

三場 (宋史選舉志寶元中李淑言唐太和以後試進士

以詩賦為第一場論第二場策第三場帖經第四場陛

下欲得取士之實願約舊制先策次論次詩賦次帖經

而勅有司併試四場通較工拙毋以一場為去留詔議

施行焉神宗罷詩賦帖經仍試四場初大經次兼經次

論次策元祐四年分經義詩賦為兩科竝四場通定高

通谷編 卷五  
下建炎二年定以三場取士第一場詩賦經義各試所  
習二場竝論三場竝策紹興十三年從高閎請參合三  
場以經義爲首詩賦次之論策又次之明史選舉志初  
設科舉時初場試經義二道四書義一道二場論一道  
三場策一道中式後十日復以騎射書筭律五事試之  
後頒科舉定式如今制按唐進士初止試策調露中始  
試帖經經通試雜文卽詩賦也又通乃試策惟三場其  
有四場則自文宗時起宋乾德初約周顯德之制定諸  
州貢舉式亦惟言初場二場三場而未有四場蓋三場  
非南宋創也  
十六房 文獻通攷紹定二年以士子多悖經旨始飭攷  
官各房分經勘校陸深科場條貫洪武十七年頒行科

舉成式會試同攷八人景泰五年增二人天順四年又  
增二人成化十七年又增二人正德六年增三人共爲  
十七人日知錄嘉靖末年詩五房易書各四房春秋禮  
記各二房猶止十七房萬歷庚辰以易卷多添一房減  
書一房至丙戌仍復書爲四房乃爲十八房按國初  
因其制乾隆十五年始定爲十六房  
簾 宋史選舉志寶祐二年御史陳大方言凡覆試今日  
輪臺諫官一員簾外監試又咸淳九年以臣僚言罷簾  
外點檢雷同官按監試等不預攷校謂之簾外則凡預  
攷校官時亦當謂之簾內今稱內簾外簾蓋承之也唐  
王建宮詞天子下簾親考試宮人手裡過茶湯撫言云  
劉虛白于簾前獻裴坦詩攷試用簾不特見于宋矣

彌封 老學菴筆記本朝進士初如唐制兼採時望真廟  
 時周安惠公請建糊名法一切以程文為去留百知錄  
 唐初吏部試選人皆糊名令學士攷判武后以為非委  
 任之方罷之此則用之選人而未嘗用之貢舉宋史宋  
 白傳陳彭年舉進士輕俊喜謗主司白知貢舉惡其為  
 人黜落之彭年憾焉後居近侍為貢舉條制多所開防  
 蓋為白設也後范仲淹蘇頌竝議罷彌封法使有司先  
 攷其素行以漸復兩漢選舉之舊卒未能復按糊名即  
 今云彌封也宋選舉志謂淳化三年先嘗行之景德時  
 定攷校式編排官第以字號付封彌官用御書院印封  
 彌景祐時詔開別頭試封彌謄錄如禮部賈昌朝言有  
 封彌謄錄法則公卷可罷皆云封彌今以二字上下轉

易不知何故

謄錄 能收齋漫錄仁宗時有糊名攷校之律雖號至公  
 然未絕其弊其後袁州人李夷賓上言請別加謄錄因  
 著為令而後識字畫之弊絕宋史選舉志謄錄院始置  
 于祥符八年令封印官封卷付之集書吏錄本  
 編號 事文類聚謄錄編排皆始于景德祥符間宋史編  
 排官去其卷首鄉貫狀別以字號第之按名臣奏議司  
 馬光論同毡兩號所對策辭理俱高吳任臣字彙補云  
 此宋時取上編號之字也又蘆浦筆記趙清獻充御試  
 官詳定鞞繅觥解劄五號等卷彙補之鷄肋集澁字號  
 卷余擢為開封第三蓋時編號之法以卷多慮致復重  
 隨配邊旁以廣其文故于字書多不經見

南北卷〔楊士奇三朝聖諭錄〕下言科舉之弊士奇對曰  
 科舉當兼取南北士試卷例緘姓名請今後于外書南  
 北二字如一科取百人南取六十北取四十則人才皆  
 入彀矣上口往年緣北士無進用者故怠惰成風汝言  
 良是命與禮部議奏行之科場條貫楊士奇議會試分  
 南北卷北四南六既而以百乘除各退五為中卷成化  
 二十二年又各退二卷以益中數

遺才〔宋史選舉志〕端拱初禮部試已帝慮有遺才取不  
 中格者再試之于是由再試得官者數百人按今惟學  
 使送赴舉生員猶試遺才

覆試〔新唐書選舉志〕高祖詔諸州明經秀才俊士進士  
 為鄉里稱者縣官考試州長重覆歲隨方物入貢舊唐

書王起傳貢舉猥濫勢門子弟交相酬酢寒門俊造十  
 棄六七及元稹李紳在翰林深怒其事故有覆試之科  
〔通雅〕漢左雄議舉士先試之公府又覆之端門張盛除  
 此科黃瓊言覆試之作將以覆實虛濫不宜改革則漢  
 已有此事宋乾德六年詔舉人有父兄食祿者覆試紹  
 興以後省之按今惟童生初入學及府縣錄送童生猶  
 有覆試

殿試〔漢書〕鼂錯傳有司舉賢良文學士錯在選中上親  
 策詔之按詔有有司各帥其志選有人數及登大夫于  
 朝親諭朕志等語蓋時所同舉皆獲登于殿庭與董仲  
 舒傳只策首選不同後世殿試之制蓋昉于此矣晉書  
 阮种傳或言對策者因緣假託乃更延羣士廷以問之



卻說傳載其對策亦有進之於廷之語或謂殿試始唐武后非也

及第出身宋史選舉志景德四年定親試進士條例攷

第之制凡五等一二等曰及第三等曰出身四等五等

曰同出身事文類聚進士分甲并賜同進士出身自興

國八年王世則榜始

傳臚史記叔孫通傳羣臣朝儀既定人行設九賓臚句

傳雲谷雜記臚句傳者即傳臚也句字乃衍文故注史

文但云傳從上下為臚而已蘇林注漢書乃析臚句為

二事云上告下為臚下告上為句不知何據而云鄭康

成注儀禮謂臚為眾蓋眾相遞傳莊子有大儒臚傳之

語最為可證

立旗竿王世貞觚不觚錄諸生中鄉薦與舉子中會試

者郡縣則必送捷報以紅綾為旗金書立竿以揚之若

狀元及第則以黃紵絲金書狀元以揚之按此特明代

故事前此惟狀元建旗詳文信國集

公車周禮巾車掌公車之政令注公猶官也漢官儀公

車掌殿司馬門天下上事及徵召皆總領之漢書東方

朔傳待詔公車音義云公車署名也公車所在故以名

焉按今會試者稱赴公車蓋貢舉亦徵召之亞遠省舉

子許乘驛即與公車類也

科場條目宋史王日傳翰林學士陳彭年呈政府科場

條目且投之地曰內翰得官幾日乃欲隔截天下進士

按今監試者與吏士約法猶謂之科場條例

試錄

葉石林燕語試院官舊不為小錄崇寧初霍端友

榜安樞密知舉始刻為之自後遂為故事黃佐翰林記

洪武甲子鄉試乙丑會試初為小錄惟刻董事之官試

士之題及中選者之名第籍貫經書而已未錄士子之

文為程式也次科戊辰始錄程文自是以為定式按唐

會要大中十年禮部侍郎鄭顯進諸家科目十二卷勅

自今以後放榜訖寫及第人姓名付所司編次則宋以

前非不為此錄特其名目殊耳李詒戒菴漫筆云今試

錄唐稱進士登科記宋稱進士小錄

龍虎榜

唐書歐陽詹傳與韓愈李觀李絳崔羣王涯馮

宿聯第皆天下選時稱龍虎榜

榜花

南部新書唐禮部放榜歲取二三人姓氏稀僻者

謂之色目人又曰榜花

關節

舊唐書穆宗詔訪聞近日浮薄之徒扇為朋黨謂

之關節干擾主司每歲策名無不先定能改齋漫錄段

文昌言于唐文宗曰今歲禮部殊不公所取進士皆以

關節得之宋史包拯傳關節不到有閩羅包老按漢書

佞幸傳籍閱與上臥起公卿皆因關節師古曰言由之

納說如行者之有關津關節者關說之節目也

懷挾

文獻通攷長興四年禮部貢院奏立條件曰懷挾

書策舊例禁止請自今後人省門搜得文書者不論多

少准例扶出殿將來兩舉按燕翼貽謀錄謂懷挾之禁

始嚴于宋景德二年未知孰是其懷挾二字見戰國策

鼎者非效醯醢可懷挾提挈以至齊者

傳遞 宋史選舉志嘉定十五年何澹言舉人之弊有曰  
傳義曰換卷曰易號寶慶二年朱端常乞差有風力者  
為監門官入試日一切不許傳遞門禁既嚴再立賞格  
許告捉傳題傳稿之人則其弊自清矣

座主 見舊唐書令狐暉傳張籍寄白使君詩有登第早  
年同座主句李肇國史補進士稱有司曰座主觚不觚  
錄嘉靖以前門生稱座主不過曰先生而已至分宜當  
國始稱老翁其厚者稱夫子此後俱相承曰老師

門生 唐書楊嗣復傳嗣復領貢舉父於陵自雒入朝乃  
率門生出迎又令狐暉傳田敦暉門生也白居易詩何  
須身自得將相是門生裴皞詩三主禮闈年八十門生  
門下見門生王仁裕示諸門生詩三百一十四門生春

風初長羽毛成按門生本猶門人後漢書賈逵傳皆拜  
逵所造弟子及門生為千乘國王郎歐陽修孔宙碑陰  
題名跋漢世公卿多自教授其親受業者為弟子轉相  
授者為門生是也而古亦有稱同門生為門生者晉書  
王獻之年數歲觀門生擣蒲諷之是也有依附聲勢為  
門生者宋書徐湛之門生千餘人皆三吳富人之子每  
出入行遊塗巷盈滿是也其知貢舉稱新進士為門生  
蓋惟起于唐之中葉後唐長興元年中書門下奏門生  
者門弟子也大朝所命春官不曾教誨舉子是國家貢  
士非宗伯門徒今後及第人不得呼春官為恩門師門  
及自稱門生

同年 國史補進士俱捷謂之同年劉禹錫送人赴舉詩

序今人以偕升名為同年友其語熟見搢紳者皆道焉  
 唐書憲宗問李絳曰人于同年固有情乎對曰同年乃  
 九州四海之人偶同科第或登科然後相識情于何有  
 李遠陪新及第赴會詩滿座皆仙侶同年別有情在荀  
 鶴試後別人詩同年多是長安客不信行人欲斷腸按  
 後漢書李固傳有同歲生得罪于冀同歲即同年也三  
 國魏武紀與韓遂父同歲孝廉亦然

先輩 詩采薇箋今薇生矣先輩可以行也二字初見自  
 此三國志陶謙傳注郡守張磐同郡先輩與謙父友而  
 謙不為之屈闕澤傳州里先輩唐固亦修身積學隋書  
 經籍志班固為蘭臺令史與諸先輩共成光武本紀舊  
 唐書孔穎達傳穎達年少而先輩宿儒耻為之屈按以

上皆謂行輩在先者也國史補云進士互相推敬謂之  
 先輩則以其稱施之同輩而當時新第者且不特同第  
 互推然也北夢瑣言王凝知貢舉司空圖第四人登第  
 王謂人曰今年榜帖全為司空先輩一人而已灑水燕  
 談蘇德謨第一人登第還鄉太守作致語慶之曰昔年  
 隨侍嘗為宰相郎君今日登科又是狀元先輩輩莊有  
 下第獻新先輩詩彭應求有賀新先輩及第詩自主司  
 郡尊及同試下第者俱以先輩稱之蓋時云先輩直如  
 今之泛稱某先生矣

後輩 通典魏立太學弟子滿二歲試通二經者補文學  
 掌故不通者聽從後輩試遞是試通三經四經五經不  
 通者俱從後輩復試程大昌演繁露唐世舉人呼已第

者為先輩由此也舊唐書劉禹錫傳王叔文于東宮用  
事後輩務進多附麗之全唐詩話使前賢失步後輩却  
立杜甫詩詞華傾後輩風雅藹孤騫按此皆指言之耳  
未嘗有以為稱謂者

卽先 王保定據言牛僧孺應舉韓愈皇甫湜見于青龍  
寺稱牛為卽先輩田錫咸平集與胡旦書云秀才卽先  
輩按此謂卽日常為先輩猶今牋札中所云卽元莊啓  
中所云卽翰撰也又乾廐子閣際美與盧景莊同應舉  
閣稱盧曰必先聲價振京洛雲溪友議劉禹錫納牛僧  
孺卷曰必先期至矣必先與卽先同一推頌意耳韓儀  
與關試後新人詩有休把新銜惱必先句此必先乃指  
下第同人今謂下第者曰來科作解又此意矣

先達

晉書虞喜傳喜邑人賀循為司空先達貴顯

早達

宋書王僧綽傳年二十九為侍中自嫌早達

英雄入彀中

撫言文帝幸端門見新進士綴行而出喜

曰天下英雄入吾彀中矣

謬種流傳

宋史選舉志理宗朝有司命題苟簡或執偏

見臆說或發策川事訛舛所取之士既不精數年之後

復俾之主文是非顛倒逾甚時謂之謬種流傳

一榜盡賜及第

邵氏聞見錄張齊賢赴廷試帝欲其居

上甲有司置于丙科帝降旨一榜盡除京官通判

龍頭屬老成 遜齋閒覽梁顯及第謝恩詩也知年少登

科好爭奈龍頭屬老成

一舉登科日雙親未老時

相傳是宋汪洙詩琵琶曲假

饒一舉登科日難道是雙親未老時只恐錦衣歸故里  
雙親的不見兒又云如今端的是男兒行看錦衣歸故  
里皆用此詩

文章自古無憑據惟願朱衣暗點頭侯鯖錄歐陽公知

貢舉常覺座後有一朱衣人點頭者然後其文入格因

語同列三嘆嘗有句云云柳子文同文唱和詩徒勞爭

墨榜須信有朱衣自注朱衣吏事見登科前定錄

一色杏花紅十里新郎君去馬如飛蘇子瞻送張師厚

赴殿試詩今作狀元歸去馬如飛訛

十年窗下無人問一舉成名天下知歸潛志昔語云云

今進士不得入仕則一舉成名天下知十年窗下無人問

一舉首登龍虎榜十年身到鳳凰池張唐卿登科題詩

壁詩見夢溪筆談或言劉昌言上呂蒙正

相公王粲羽獵賦相公乃乘輕軒駕四駱又粲從軍行

相公征關右赫怒震天威日知錄前代拜相者必封公

故稱之曰相公齊漫錄韓子華兄弟皆為宰相其家

呼子華三相公呼持國五相公按今凡衣冠中人皆僭

稱相公或亦綴以行次曰大相公二相公甚無謂也道

山清話嶺南人見逐客不問官高卑皆呼為相公想是

見相公常來也豈因是一方之俗而遂漸行于各方歟

閣老國史補宰相呼為堂老兩省相呼為閣老困學

紀聞杜少陵贈嚴閣老詩扈聖登黃閣明公獨妙年嚴

武遷給事中屬門下省開元日黃門省故云黃閣通鑑

王涯謂給事中鄭肅韓飲日二閣老不用封勅亦唐稱

給事中爲閣老也近世用杜詩爲宰輔事誤矣又唐書楊綰傳故事舍人年久者爲閣老

尚書 珩璜新編尚書與尚食尚公主同見張耳傳注而世俗相承以平聲呼誤也按尚字惟詩大雅肆皇天弗尚叶韻爲辰羊切其餘概無平聲然唐詩崑耶長者白尚書已作平聲呼矣

八座 通典職官漢以六曹尚書并一令一僕爲八座魏以五曹一令二僕射爲八座隋唐以左右僕射六尚書爲八座杜甫有起居八座太夫人句按今指乘八人輿者曰八座不見典記南史齊宗室傳江夏王寶元與崔慧景應乘八摑輿至都此則當時天子所乘  
三法司 商子定分篇天子置三法官按後世三法司稱

由此起

總督 晉書載記王猛辭位表總督戎機出納帝命總督二字見此

巡撫 晉書劉頌傳咸寧中詔巡撫荆揚北史李賢傳今巡撫居此不殊代邑王勃春思賦寧知漢代多巡撫虞世南和長春應令詩如何事巡撫民瘼諒斯求按今官制有巡撫自明洪武辛未勅遣皇太子巡撫陝西爲始而其文之見前代者有如在

憲臺 二老堂雜志憲部刑部也憲臺御史臺也今直以諸路刑獄爲憲雖聖旨處分勅令所立法凡及安撫提刑司處皆以帥憲爲稱而提刑告詞並曰憲臺其失多矣按今更不問掌刑與否凡大上官概稱憲臺所失愈

遠

宗師 莊子有大宗師篇漢書朱浮傳博士之官為天下

宗師使孔聖之言傳而不絕

員外 舊唐書李嶠傳為吏部時志欲曲行私惠奏置員

外官數千人通鑑中宗神龍二年大置員外官自京師

及諸州凡二千餘人宦官超遷七品以上員外官者又

將千人按時所云員外者謂在正員之外大率依權納

賄所為與今部曹不同故有財勢之徒皆得假借其稱

外郎郎中待詔司務 寓圃雜記吏人稱外郎者古有中

郎外郎皆臺省官故僭擬以尊之今醫人稱郎中鍼工

稱待詔染工稱博士師巫稱太保茶酒稱院使皆然此

草率僭妄名分不明之舊習也國初有禁日知錄北人

謂醫曰大夫南人謂之郎中木工金工石工之屬皆為

司務蓋起于宋時老學菴筆記北人謂醫為術推卜相

為巡官即此類按周密武林舊事載藝流供奉說藥者

三人一曰楊郎中一曰徐郎中當時即以醫為郎中矣

州尊 蜀志秦宓傳王商與宓書曰貧賤亦何可終身宜

一來與州尊相見按今人稱府尊縣尊等皆昉于此

鄉先生 儀禮士冠禮冠者見于鄉大夫鄉先生注云鄉

先生鄉中老人為大夫致仕者按今稱鄉前輩或曰鄉

老或曰鄉先生據周禮叙官鄉老二鄉則公一人此以

三公分與六鄉之教之稱前輩何敢當焉鄉先生為合

封君 史記平準書封君皆低首仰給又令封君以下三

百石以上吏以差出牝馬易林多獲得福富于封君按



通雅 卷三  
此謂身有封邑之君若公侯是也今以子孫貴顯受封者不當云封君或稱封翁可矣

狀元 據言放榜後狀元以下到主司宅門下馬又狀元以下與主司對拜訖狀元出行致詞按狀元之稱自唐有之矣而放榜後未經廷試即稱狀元則是今所謂會元耳又其時不獨第一人曰狀元鄭谷登第後宿平康里詩好是五更殘酒醒耳邊聞喚狀元聲放谷登趙昌翰榜係第八名宋周必大文稿有回姚狀元穎啓回第二人葉狀元適啟回第三人李狀元寅仲啓似凡新進士俱得稱狀元也

榜眼 雲麓漫鈔世目狀元第二人為榜眼王禹偁送朱巖詩有榜眼科名釋褐初句蓋榜眼之名起于宋初也

二老堂雜誌高宗中興以來十放進士其榜眼官職往往過于狀元

探花 天中記唐進士杏園初會謂之探花宴以少俊二人為探花使遍遊各園若他人先折得名花則二人被罰察寬夫詩話故事進士朝集擗中最年少者為探花郎熙寧中始罷之按此則唐之探花非今所謂探花而其名未始不相因也雲麓漫鈔云世目第三人為探花郎漫鈔作在紹興時蓋自罷擗年少之後遂以其名歸諸第三人矣明史選舉志殿試第一甲狀元榜眼探花之名制所定也而士大夫又通以鄉試第一為解元會試第一為會元二三甲第一為傳臚

三元 文海披沙宋三元人知有王曾馮京宋庠而不知

有楊寘孫何明三元人知有商輅而不知有黃觀楊用修云蜀士在宋時三元三人陳堯叟楊寘何渙也觀此則宋又不止五人矣然陳與何三元事竝未見稱于世按宋未當有三元之號謂王曾等三元者明人追稱之耳唐崔元翰京兆解頭禮部狀頭宏辭及制科三等勅頭咸首捷武翊黃亦府選爲解頭及第爲狀頭宏辭爲勅頭時謂武氏三頭章孝標贈翊黃詩花錦文章開四面天人科第占三頭又張又新時亦號三頭三頭者猶明人云三元也

庶吉士 見書立政籙明史選舉志洪武八年廷試擢一甲進士丁顯等爲翰林院修撰二甲馬京等爲編修吳文等爲檢討進士之入翰林自此始又使進士觀政于

諸司其在翰林承勅監等衙門者曰庶吉士進士之爲庶吉士亦自此始也

侍衛 史記弟子傳注王肅曰子路爲孔子侍衛故人不

敢有惡言侍衛二字見此

進士舉人貢生 進士見禮記王制舉人貢生連見于後漢書章帝紀每尋前代舉人貢士或起叨祿不繫闕閱是也進士出身入詩則始于唐徐凝蒼施先輩曰料得仙宮列仙籍如君進士出身稀舉人入詩則白居易有乞錢羈客面落第舉人心歲貢入詩則孟浩然有孝廉因歲貢懷橘向秦川

武舉 唐書選舉志武舉起武后時長安二年  
監生生員 唐書選舉志元和二年置東都監生一百員

自天寶後生徒流散承泰中雖置西監生而館無定員  
于是始定生員按生謂監生員其數也以監生生員為  
兩等人蓋別自宋以來州縣皆設學也

白身 元典章選格有白身人員中書省奏近來各路行  
保白身之人申部中間不無冒濫云云按魏書食貨志  
莊帝頒八粟之制白民輸五百石聽依第出身白民猶  
云白身也唐書選舉志白身視有出身一經三傳皆通  
者獎擢之仕籍之有白身一途甚久而魏由入粟唐由  
校試元由保任制各不同耳

登仕郎 見隋書百官志又文林郎見宋史選舉志按唐  
宋時有承事將仕廸功宣義等郎今俱不用惟七品授  
文林郎九品授登仕郎各猶相因

從品 北魏書官氏志前世職次皆無從品魏氏始置之

亦一代之別制也按謂從一品至從九品

內官外官 周語內官不過九御外官不過九品注九品  
九卿也漢書終軍傳孤于外官注謂非侍衛也皆與今  
在京口內官在各省曰外官別

本色官 唐書柳仲郢傳有以藥術進者詔署鹽官仲郢  
以為醫有本色官若委錢穀名分不正

堂後官 李心傳朝野雜記堂後官謂三省諸房都錄事  
也補職及一年改宣教郎

稗官 漢書藝文志小說出于稗官師古注稗猶穉穉之  
稗小官也按俚俗喉流外小官曰芝麻官蓋即穉穉之  
義

宰官 郭象南華經注天鵬之與斥鷃宰官之與御風同為累物耳王應麟云二字始見此

官長 墨子尚賢中篇賢者舉而上之謂之官長慎子威德篇立國君以為國非立國以為國君也立官長以為官非立官以為官長也

官銜 封氏見聞記官銜之名當是選曹補授須存資歷聞奏之時先具舊官名品于前次書擬官于後使新舊相銜不斷故云良園識小錄家語禮運篇官有銜職有序注銜治也執轡篇云善御馬者正銜勒善御民者正百官官銜之名本此封氏記殊無所據

備員 史記秦始皇紀博士雖七十人特備員弗用平原君傳毛遂曰願君即以遂備員行矣申屠嘉傳自嘉死

後諸為丞相者皆以列侯繼嗣姪姪廉謹為丞相備員而已

同寮 詩大雅我雖異事及爾同僚音義曰僚字又作寮左傳文七年先蔑奔秦荀伯盡送其帑于秦曰為同寮故也孔叢子孟武伯問孔子曰古者同寮有服乎荅曰然同寮有相友之義三國吳志薛瑩傳同寮之中瑩為寇首楊慎丹鉛錄文選注寮小窻也同官為寮指其齋署同窗為義今士子同業曰同窗官先事士先志官之同寮亦士之同窗也

搢紳 周禮典瑞王晉大圭注晉讀搢紳之搢謂插于紳帶之間疏曰漢有搢紳之士亦謂插笏于紳荀子禮論搢紳而無鈎帶矣楊倞注搢與搢同史記封禪書語不

經見摺紳考不道索隱曰姚氏云摺當作縉又五帝紀  
薦紳先生難言之徐廣注薦紳卽縉紳古文假借耳索  
隱鄭衆注周禮云摺讀曰薦據鄭意則薦亦進進而置  
于紳帶之間也按羣碎錄謂今摺作縉非不見荀子及  
姚氏說耶

月俸 周禮太宰祿位以馭其士注祿若今月奉也音義  
曰奉本或作俸又宮正均其稍食疏稍則稍稍與之月  
俸是也

養廉 宋史職官志諸路職官各有職田所以養廉也金  
史伯德特离補傳特离補爲政簡靜不積財常曰俸祿  
已足養廉衣食之外何用蓄積

腳色 北史杜銓傳楊素驚杜正元之才奏屬吏部選期

已過注色合選朝野類要初入仕必具鄉貫三代名銜  
謂之腳色朱子答任行甫書休致文字不知要錄白繳  
申腳色之類否元典章保選令史吏員亦開具姓名脚  
色直言所長通雅脚色狀亦謂之根脚邇來下司初見  
上司猶遞手本上開出身履歷所謂脚色是也

憑引 揮塵錄本朝及五代以來吏部給初出官付不惟  
嘗歲數兼說形貌以防僞冒元豐時改官制除之按此  
卽今憑引之制

出缺 世說注山濤啟事曰吏部郎史曜出缺處當選  
掣籤 北史王勇傳胡仁及王文達耿令貴三人皆有殊  
功還拜上州刺史然州頗有優劣周文令探籌取之胡  
仁遂得雍州文達得岐州令貴得北雍州按探籌卽掣

籤古今語殊耳

過堂 撫言載新及第進士隨座主至部堂初見宰相通姓名謂之過堂韓偓有及第過堂日詩

參 能收齋漫錄下之見上謂之參始戰國時也國策曰秦王欲見頓弱頓弱曰臣之義不參拜王能使臣無拜可矣秦王許之

鑽 班固答賓戲商鞅挾三術以鑽孝公李周翰注鑽取必入之義宋史王安石秉政鄧綰李定之徒俱以趨媚擢用士論有十鑽之目古杭雜記史彌遠用事士夫多以鑽刺得官伶人俳優者一人執石鑽之久而不入曰鑽之彌堅一人擊其首曰汝何不鑽彌遠却鑽彌堅叩資緣 左思吳都賦資緣山岳之岳韓愈詩青壁無路難

資緣 韻會資緣連絡也按易艮爻辭列其資厲熏心資當中脊之肉也上下不能相通而厲熏其心是有千進之象

參罰 漢書天文志太歲在巳太初在參罰注云參為白虎三星其下又有三星曰罰參罰之義蓋取乎此

調繁簡 漢書薛宣傳頻陽縣當數郡湊其令薛恭職不辦而粟邑僻小令尹賞久郡用事吏宜即奏賞與恭換縣二人視事數月兩縣皆治按今調繁簡之制起此

告病 始見穆天子傳盛姬告病史記汲黯傳黯多病上常賜告注曰賜告得去官歸家與告居官不視事漢書高帝紀注亦曰漢律有予告有賜告賜告者病三月當免天子優賜其告使得帶印綬將官屬歸家治病

告老 左傳襄七年韓獻子告老蔡邕陳太邱碑年已七十遂隱邱山懸車告老北史高允傳允以老疾乞骸骨不許乃著告老詩

起復 緇績霏雪錄起復者喪制未終勉情任用所謂奪情起復也如歐公晏元獻神道碑丁父憂去官已而真宗思之即其家起復及史嵩之喪父經營起復是也今人不攷例以服闋為起復誤矣

陞見 北史張普惠傳表乞朝直之日時聽奉見自此之後月一陞見

卓異 漢書宣帝紀故掖庭令張賀輔導朕躬恩惠卓異厥功茂焉後漢書劉般傳陳忠疏薦劉愷處約思純進退有度誠宜簡練卓異以厭眾望

加級 北史齊世祖紀河清元年大赦內外百官普加泛

級按加級字見此而其事漢初已有高祖紀故大夫以上賜爵各一級顏師古注曰就加之也

一階半級 顏氏家訓勉學篇或因家世餘緒得一階半級及公私宴集談古賦詩塞默低頭欠伸而已北史序傳仲舉曰吾少無宦情豈以垂老之年求一階半級人多缺少

唐趙憬審官六議有人少闕多人多闕少之語闕與缺同署溪漁隱叢話政和間先君赴調京師步月景德寺指月為對云圓少缺多天上月同赴調者應聲戲曰員多缺少部中官按論衡累害篇位少人眾仕者爭進當時蓋已患之

持祿養交 管子明法篇小臣持祿養交不以官為事故

失其能荀子臣道篇偷合苟安以持祿養交謂之國賊  
食祿有地 李義山雜纂凡說食祿有地必是差遣不好  
仕路狹 後漢書和帝詔東修良吏進仕路狹

功成名遂 老子功成名遂身退天之道更記范曄傳中  
山之國趙獨吞之功成名立而利附焉北史周明帝紀  
功成名遂建國剖符

後來居上 史記汲黯傳陛下用群臣如積薪後來者居  
上師古注或曰積薪之言出曾子

當官 左傳當官而行周禮疏士師所禁惟在當官晉書  
熊遠傳當官以理事為俗吏奉法為苛刻三國志孫奭  
傳奭訥于造次而敏于當官

經官 晉書范粲傳高頴曰范伯孫名諱未嘗經于官曹

賣官 後漢書桓帝紀初開西邸賣官自關內侯虎賁羽  
林入錢各有差又私令左右賣公卿公千萬卿五百萬

五代史前蜀世家徐太妃以教令賣官自刺史以下每  
一官闕必數人並爭而入錢多者得之

買官 後漢書崔寔傳程夫人曰崔公冀州名士豈肯買  
官賴我得是

賣官鬻爵 宋書鄧琬傳琬父子並賣官鬻爵季百藥贊  
道賦直言正諫以忠信而獲罪賣官鬻爵以貨賄而見  
親

官久則富 史記貨殖傳廉吏久久更富俚語因之  
官官相為 見元喬孟符兩世姻緣曲  
文官不愛錢武將不惜死 宋史岳飛傳云云季白詩有



文不系 卷三 為官不愛錢句

相門必有相將門必有將 史記孟嘗君語又魏志陳思

王傳引諺云云北史李彪傳亦引諺曰相門有相將門

有將斯不惟其性蓋言習之所得也南史王訓傳上目

送之曰可謂相門有相王鎮惡傳武帝曰鎮惡王猛孫

所謂將門有將又史記任安傳言將門之下必有將類

晉書王沈傳言公門有公卿門有卿

將相無種 史記陳涉世家王侯將相寧有種乎玉海許

敬宗曰護兒兒作相世南男作匠文武豈有種耶

養相體 金史完顏奴申傳金自南渡之後為宰執者臨

事相習低言緩語互為推讓以為養相體

忍辱至三公 晉書列女傳杜有道妻嚴氏戒預書引諺

云云

宰相肚裡好撐船 永東日記南京大理少卿楊公復能

詩有名其家童往往于元武湖搗採萍藻為豚食吳思

菴以其密適廳事拒之楊戲答詩云數點浮萍容不得

如何肚裡好撐船蓋諺有之宰相肚裡好撐船故云

伴食宰相 唐書盧懷慎傳與姚崇對掌樞密自以吏道

不及崇每事推讓之人謂之伴食宰相

鐵面御史 宋史趙抃傳為殿中侍御史彈劾不避權倖

京師曰為鐵面御史曾紆南遊紀舊慶歷中侍御史吳

中復時人謂之鐵面御史

五日京兆 詳漢書張敞傳

金祭酒銀典簿 陸深春風堂隨筆國子監自祖宗以來

道谷編 仕進

通俗編 卷五 三  
例不刷卷故諺云云

強團練 楓窻小牘臨安有諺凡見人不下禮曰強團練  
長老言錢氏有國時攻常州執其團練使趙仁澤以歸  
見王不拜王怒命以刀抉其口至耳丞相元德昭解救  
云此強團練宥之足以勸忠也遂以藥敷創送歸于唐  
故至今以為美談

破家縣令滅門刺史 毅英東谷贅言人有恒言云云予  
謂此言強宗豪右當常誦之庶幾不敢作奸犯科為龔  
黃卓魯者不可自誦此言穆穆西墅雜記宣德間慈溪  
一縣令謂羣下曰汝不聞諺云滅門刺史破家縣令乎  
一父老對曰某等只聞得豈弟君子民之父母縣令為  
之默然

只許州官放火不許百姓點燈 馮猶龍譚槩田登作郡

怒人觸其名犯者必笞舉州皆謂燈為火值上元放燈  
吏揭榜于市曰本州依例放火三日俗語云云本此

官不威牙爪威 元曲選季直夫虎頭牌孫仲章勘頭巾

李行道灰闌記李致遠還牢末皆用此語

好官不過多得錢耳 宋史曹彬語

笑罵從汝好官須我為之 宋史鄧綰傳綰諛王安石除

集賢校理鄉人在都者皆笑且罵綰云云

常調官好做家常飯好喫 范文正公語見獨醒雜志

相逢盡道休官好林下何曾見一人 集古錄世俗相傳

此二句以為俚諺慶歷中許元為發運使因修江岸得  
石刻于池陽江水中始知為釋靈徹詩也

漢書元帝為太子嘗侍燕從容言陛下  
 持刑太深宣帝作色曰漢家自有制度奈何純任德教  
 用刑政乎  
 我自用法  
 世說庾子嵩曰我自用法卿自用卿法  
 自我作故  
 國語哀姜至公使大夫宗婦覲用幣夏父展

通俗編卷之六

政治

王道本乎人情  
 劉向新序引程子曰王道如砥本乎人  
 情出乎禮義按此程子當是程木子  
 律設大法禮順人情  
 後漢書卓茂語  
 有治人無治法  
 荀子君道篇有亂君無亂國有治人無  
 治法  
 漢家自有制度  
 漢書元帝為太子嘗侍燕從容言陛下  
 持刑太深宣帝作色曰漢家自有制度奈何純任德教  
 用刑政乎  
 我自用法  
 世說庾子嵩曰我自用法卿自用卿法  
 自我作故  
 國語哀姜至公使大夫宗婦覲用幣夏父展

曰非故也公曰君作故注曰君所作則為故事張衡西京賦自君作故何禮之拘按今云自我作古乃別本宋孝宗語也宋史禮志孝宗欲不用易月之制曰自我作古何害

奉行故事 虞書若帝之初傳云順舜初攝帝位故事奉行之漢書魏相傳方今務在奉行故事而已

便宜行事 史記蕭相國世家即不及奏上輒便宜施行上來以聞漢書魏相傳漢興以來國家便宜行事

因事制宜 出漢書韋元成傳又唐百官志置使之名或因事而置事已則罷

因利乘便 史記秦始皇紀論因利乘便宰割天下分裂河山

發號施令 書罔命文又禮經解發號出令而民悅謂之

和鬻子發號施令為天下福者謂之道文子道原篇未發號施令而移風易俗者其唯心行也管子輕重篇國非有貧富通于發號出令而審于輕重之數漢書天文志王者即位發號施令亦奉天時

三令五申 見史記孫武子傳  
令不虛行 管子重令篇國不虛重兵不虛勝民不虛用  
令不虛行

如令 韓非子飾邪篇先令者誅後令者斬則古者必貴如令矣

得體 禮記官得其體疏云體者容體謂設官分職各得其尊卑之體宋史岳飛傳小心恭謹不專進退為得體

得法 戰國策蒙穀獻典五官得法而百姓大治

不如法 史記孫子傳約束已明而不如法吏士之罪也

後漢書淳于恭傳教諭孤幼有不如法輒反用杖釋名

科課也課其不如法者

奉公守法 史記廉葡傳以君之貴奉公守法則上下平

上下平則國彊又說苑至公篇引虞邱子曰奉公行法

可以待榮

公耳忘私 漢書賈誼傳人臣國耳忘家公耳忘私

公道 文子上義篇人欲釋而公道行漢書蕭望之傳庶

事理公道立後漢書楊震傳論先公道而後身名傅子

通志篇有公心必有公道有公道必有公制許渾詩公道

世間唯白髮李咸用詩聖朝公道易酬身

明見萬里 後漢書竇融傳璽言既至河西咸驚以為天

子明見萬里之外

徹底澄清 北史宋世良傳為清河太守有老人前謝曰

府君非唯善政清亦徹底

不狗顏面 唐書長孫無忌傳帝曰開所在官司猶自多

有顏面劉知幾傳史局深籍禁門所以杜顏面防請謁

也元史相威傳世祖論曰朕知卿不狗顏面

屬託不行 說苑政理篇晏子曰前臣之治東阿也屬託

不行貨賂不入漢書尹翁歸傳子定國欲屬託邑子兩

人令坐後堂待見定國與翁歸語終日不敢見其邑子

抑強扶弱 後漢書耿純為東陽太守抑強扶弱三國魏

志司馬芝為河南尹抑強扶弱北史陸馥為相州刺史

抑強扶弱

矯枉過直

越絕書子之復仇臣之討賊至誠感天矯枉

過直仲長統昌言論逮至清則復入於矯枉過直之檢

又後漢書注引孟子矯枉過正鹽鐵論撓枉者過直

坐鎮雅俗

舊唐書裴度傳雖在江左王導謝安坐鎮雅

俗而討謨方畧度又過之在昉薦士表王暕坐鎮雅俗

弭益已多

權時救急

詩靡人不周箋調給之權救其急左傳子產

作邱賦注子產權時救急

人微權輕

見史記穰苴傳按今俗每云人微言輕疑其

訛然東坡文集與歐陽仲純尺牘已有人微言輕之語

掣肘

呂氏春秋審應覽宓子賤治亶父恐魯君之聽說

人而令已不得行其術也請吏二人于君俱至亶父令

之書子賤從旁時掣搖其肘書之不善則子賤為之怒

吏患而辭歸報于君君曰宓子以此諫寡人之不肖也

摸稜

唐書蘇味道傳謂人曰決事不欲明白悞則有悔

摸稜持兩端可也故世號摸稜手

容情

搜神記載王子珍事有主者容情不為區斷語宋

史選舉志攷官容情任意許臺諫風聞彈奏

方命

尚書方命圮族孟子方命虐民按近人友朋書簡

往往輕易用此二字思其本義當悚然汗下也

具文

漢書宣帝紀上計簿具文而已師古注雖有其文

而實不副也

牽制

漢書元帝紀贊牽制文義優游不斷師古注為文

義所牽制故不斷決

鉗制焦氏易林執囚束繫鉗制于吏

糊塗宋史李端傳或言端為人糊塗太宗曰端小事糊塗大事不糊塗按朱子語錄以憤憤不曉事曰鶻突其

說書曰百姓昭明乃三綱五常皆分曉不鶻突耳鶻突

即糊塗之音轉

風流罪過北齊書郎基傳基為潁川太守清慎無所營

求唯頗令寫書潘子義遺之書曰在官寫書亦是風流

罪過

作威福書洪範臣無有作福作威荀悅漢紀作威福結

私交以立彊于世者謂之遊俠劉向封事大將軍秉事

用權五侯驕奢僭盛竝作威福擊斷自恣

助桀為虐見史記雷侯世家及田單傳又孟子集註飛

廉助紂為虐按俗唯助紂之言為著

以身試法漢書王尊傳明慎所職毋以身試法後漢書

馮勤傳欲以身試法耶將殺身以成仁耶

為法自弊史記商君傳匹至關下欲舍客舍舍人曰商

君之法舍人無驗者坐之商君歎曰為法之弊一至此

哉又晉書劉毅有為法自弊之歎

舞文弄法史記汲黯傳張湯好與事舞文法又貨殖傳

吏士舞文弄法刻章偽書北齊書孝昭帝紀廷尉中丞

執法所在繩違按罪不得舞文弄法梁書武帝求讜言

詔舞文弄法因事生奸唐書郎餘令傳陳善弼曰舞文

弄法吾不及君

不公不法 司馬光與姪帖不可恃賴我勢作不公不法 攪擾官方

受贓枉法 史游急就章受賕枉法忿怒仇注云受人財

者枉曲正法忿怒良直反以為仇也史記優孟歌又恐

受贓枉法為觸姦大罪唐書李朝隱傳贓唯枉法當死

賄賂公行 春秋胡氏傳賄賂公行上下離析晉書劉聰

載記朝廷內外無復綱紀阿諛日進貨賄公行南史陳

張貴妃傳閹宦之徒內外交結轉相引進賄賂公行

權柄 左傳襄二十三年既有利權又執民柄將何懼焉

六韜守土篇借人國柄則失其權莊子天運篇親權者

不能與人柄漢書劉向傳大臣操權柄持國政未有不

為害者也

功令 史記儒林傳余讀功令至廣厲學官之路未嘗不

廢書而歎也注云謂學者課功著之于令也接近人用

此每若云公家之令非

令甲 戴埴鼠璞令甲令乙令丙乃篇次也漢宣帝詔令

甲死者不可復生江充傳注令乙騎乘車馬行馳道中

沒入車馬章帝詔令丙筆長短有數當時各有篇次在

甲言甲在乙言乙在丙言丙今例以法律為令甲非也

按史記年表令甲稱其忠張釋之傳乙令蹕先至而犯

者罰金四兩亦著甲乙之別如淳漢書注曰令有先後

故曰令甲令乙令丙若今之第一第二第三篇說更較

戴氏詳晰宋史楊時傳云凡元祐之政事著在令甲則

已犯例稱之譏矣



治下百虎通伏羲定人道以治下治下伏而化之故謂之伏羲也治下始見此漢書嚴延年敏捷于事吏盡節者皆親鄉之以是治下無隱情

兩造書呂刑兩造具備孔傳兩謂囚證造至也周禮大司寇以兩造禁民訟

六曹文獻通攷政和初改各州推判參軍為士戶儀兵

刑工六曹掾按此乃今經歷照磨之屬非書胥也其士

儀二曹更與今吏禮房稱號不同羣碎錄輒謂州縣吏

戶禮兵刑工六曹宋徽宗設未是也

書手輟耕錄世稱鄉胥為書手報應記宋衍應明經舉

元和初至河陰縣因疾病廢業為鹽院書手蓋唐已有此名

快手宋書王鎮惡傳西將及能細直吏快手有二千餘

人又建平王景素傳左右勇士數十人竝荆楚快手黃

回傳募江西楚人得快射手八百南史亦作快手日知

錄快手之名起此

門子周禮正室謂之門子注云將代父當門者蓋適子

之稱與後世官府侍僮絕異韓非子亡徵篇羣臣為學

門子好辯可亡也注云門子門下之人也此稍與侍僮

類至舊唐書李德裕傳吐蕃潛將婦人嫁與此州門子

道山清話都下有賣藥翁自言少時嘗為尚書省門子則竟屬今所謂門子矣

里長隋書高祖從蘇威議以百家為里置里長一人又

裴蘊傳親閱戶口一人不實則官司解職鄉正里長皆

遠地流配按墨子尚同篇里長順天子政而一同其里之義里長既同其里之義率其里之民以尚同乎鄉長里長之名早見于此晉書職官志縣率百戶置里吏一人其土廣人稀聽隨宜置里吏吏與長稱號小殊而制則一然則里長非隋高所創或廢久而時乃重置耳戶頭後漢書章帝紀加賜河南女子百戶牛酒注曰此若是戶頭之妻不得更稱為戶蓋謂女戶頭也

人夫北史魏獻文六王傳趙郡王謐召近州人夫搜掩城人楚掠備至

公文三國志趙儼傳公文下郡縣絹悉以還民北史蘇綽傳所行公文綽皆為之條式

文書周禮小宰府掌官契以治藏史掌官書以贊治注

云治藏藏文書及器物贊治若今起文書草也漢書刑法志文書盈几閣典者不能徧睹中論譴交篇文書委于官曹繫囚積于囹圄世說政事門何驃騎看文書謂王劉曰我不看此卿等何以得存

移漢書公孫弘傳移病免歸註曰移書言病也後漢書光武紀致僚屬作文移注引東觀漢記文書移與屬縣也文心雕龍劉歆之移太常文移之首也按凡官曹不相臨敬者其文書則謂之移

關文心雕龍關者閉也出入由門關閉當審庶務在政通塞宜詳韓非云孫賈同聖相也而關于州郡蓋謂此也宋書禮志載文移格式云某曹關某事云云被令儀宜如是請為牋如左謹關按被令猶今云奉此據此儀

宜如是猶今云合行

邸報 宋史曹輔傳政和後帝多微行始民間猶未及知及蔡京謝表有輕車小輦七賜臨幸語自是邸報聞四方按邸報字見史始此而孫樵集有讀開元雜報一篇又唐詩話韓翃家居一日有人叩門賀曰邸報制誥闕人中書進君名已除駕部郎中知制誥矣則唐時已有邸報

告示 荀子榮辱篇仁者好告示人後漢書隗囂傳騰書

隴蜀告示禍福

辭訟 漢書薛宣傳辭訟例不滿萬錢不為移書魏志杜畿傳民嘗辭訟有相告者畿親見為陳大義令歸諦思之自是少有辭訟

健訟 容齋四筆易訟卦險而健訟以健字為句絕乃乃

于訟蒙師點句輒混訟字于上遂以健訟相連此二字尚為有說例以他卦若止蒙動豫之類將如之何凡頑民好訟者但曰囂訟終訟可也

打官司 元人抱粧盒曲有此三字

罪過 史記秦二世紀大臣及諸公子以罪過連逮少近三郎官無得立者後漢書班超傳塞外吏士本非孝子順孫皆以罪過徙補邊屯按罪過字以大別不以公私別後人例以公犯為罪私居違碍則兼稱罪過其言自六朝然矣北史長孫晟傳晟見牙中艸穢責令染于除之染干曰是奴罪過又由吾道榮傳晉陽人謂道榮曰我本恒岳仙人有少罪過為天官所謫

史記陳豨傳趙代吏人爲豨所誑劫畧者皆赦  
之後漢書寇恂傳陛下遠踰險阻故狂狡乘間相誑誤  
耳易林履之莖譌言妄語轉爲誑誤

發覺 漢書高帝紀八年秋八月吏有罪未發覺者赦之  
淮南子汜論訓縣有賊大搜俠者之廬事果發覺夜驚  
而走後漢書梁松傳數爲私書請託郡縣發覺免官論  
衡幸偶篇或奸盜大辟而不知或罰贖小罪而發覺  
准 周必大二老堂雜志勅牒準字去十爲准或謂本朝  
因寇準爲相而改之又云曾公亮蔡京父皆名準而避  
其實不然予見唐誥已作准又收五代堂判亦然頃在  
樞密院令吏輩用準字旣而作相又令三省如此寫至  
今遂定按所云則宋孝宗時已復用原文矣而今仍紛

紛作准蓋趨便之習一成難變卽一字之細有然

審問 書呂刑其審克之詩魯頌淑問如臯陶爲此二字  
之源

處分 古焦仲卿妻詩處分適兄意那得自任專南史沈  
僧昭傳國家有邊事須還處分北史宋欽道傳夢見前  
妻言被處分爲高崇妻唐邕傳邕于作文書口且處分  
耳又聽受按分當音問今讀平聲者誤白居易詩處分  
貧家殘活計劉禹錫詩停杯處分不須吹可證

坐罪 說苑奉使篇荆王與晏子語有縛一人過王而行  
王曰何坐曰坐盜按此卽秦漢所云坐罪之坐

抵罪 史記趙世家齊之事王宜爲上佼而今乃抵罪韓  
非內儲說君殺老儒是將以濟陽君抵罪于齊矣

開釋 書多方開釋無辜亦克用勸

申冤 易林比戶為患無所申冤 唐書徐有功傳三司

受理理 甄申冤

招搖 史記孔子世家衛靈公與夫人同車使孔子為次

乘招搖市而過之

誘人犯法 刑律詐偽科目有詐教誘人犯法

武斷鄉曲 史記平準書兼并豪黨之徒以武斷于鄉曲

不服燒埋 見元人爭報恩兩世姻緣曲

停尸長智 佛經引諺又見傳燈錄瀉山祐語

敲 左傳定二年邾莊公與夷射姑飲酒私出闈乞肉焉

奪之杖以敲之杜注敲闈頭也按俚語以打為敲本此

按 唐韻按婦末切逼也按今作去聲讀諸字書無其音

左傳定八年涉佗按衛侯之手音義曰按擠也按也祖

寸切或云按之讀去蓋屬按音之轉

梟首 說文梟斷首倒懸也音讀若澆廣韻漢令先黥劓

斬左右趾梟首殖其骨謂之具五刑按梟首之梟依此

當作梟然漢書刑法志已用梟字

坐地牢 北史魏獻文六王傳紹幽于京畿地牢絕食而

死祖 琕傳地牢者乃為深坑置諸內

先刑後奏 後漢書酷吏傳序臨民之職專事威斷族滅

姦軌先行後聞注曰先行刑後聞奏也又五代史朱珍

傳軍中有犯令請先斬而后白

先打後商量 元曲選武漢臣老生兒李壽卿伍員吹簫

王實甫麗春堂竝用此語

蒲鞭示辱 後漢書劉寬傳吏人有過但用蒲鞭罰之示辱而已南史崔祖思傳叔景真位平昌太守懸一蒲鞭而未嘗用

以一警百 漢書尹翁歸傳其收取人心也以一警百吏民皆服恐懼改行又鹽鐵論刑一而正百殺一而慎萬交中子賞以勸百罰一以懲衆傅子擊一警百刺史之職也北史孫綽傳殺一利百以清王化韓愈詩罰一勸百政之經不從而誅未晚耳

取保 周禮大司寇州里任之則宥而舍之疏云仍恐習前爲非故使州長里宰保任乃舍之按此卽後世取保之制蜀志姜維傳魏繫維母于保官以延之北史宋繇傳局內降人左澤等爲京畿送省令取保放出

保辜 史游急就章痕痛保辜詭呼號顏注曰保辜者各隨其狀輕重令毆者以日數保之限內致死則坐重辜也按辜亦作孳說文解孳爲保任若是則保辜雖二文而一義

甘結 續通鑑宋寧宗時禁僞學詔監司帥守薦舉改官并予奏牘前具甘結申說並非僞學之人甘結二字見此

服辯 元典章吏制凡府司官對衆審訖取服辯文狀按今律仍有獄囚取服辯條註云服者心服辯者分辯理當則服不當則辯或服或辯故曰服辯近易其名謂之遵依則有服而無辯矣

比簿 周禮小司徒大比則受邦國之比要注云今時八

月案比是也要謂其簿  
 門單朱子語錄禹貢是當時治水事畢却總作此一書  
 如今人方量畢總作一門單耳  
 揭帖通雅宋元豐中詔中書寫例一本納執政分令諸  
 房揭帖謂揭而帖之古貼帖通用世說以如意帖之是  
 也今人因有揭帖之名

魚鱗圖宋史食貨志魏豹交代趙師岳為婺州守整行  
 經界益力凡結甲冊戶產簿魚鱗圖類姓簿皆創庫匱  
 藏之沈文初政記洪武十三年戶部覈實天下土田惟  
 兩浙富民畏避徭役往往以田產詭托親鄰佃僕奸弊  
 百出上遣各處查定細底編類為冊其法甚備謂之魚  
 鱗圖冊

串子文字指歸支取貨契曰串今倉庫收帖曰串子串  
 字之省也

徵比周禮小司徒頒比法以行徵令疏云為較比之法  
 以徵索于民又縣正各掌其縣之政令徵比注徵徵召  
 也比案比疏云徵發校比之等也按比校二字見國語  
 加耗五代史王章傳周太祖用兵西方章供饋軍旅征  
 剝下民往時民租一碩輸二升為鼠雀耗章乃增一碩  
 輸三斗為省耗按碩輸二升之制停驂錄云起于後唐  
 明宗

稅契續演繁露晉自過江至于梁陳凡貨賣奴婢馬牛  
 田宅有文券率錢一萬輸估四百入官賣者三百買者  
 一百名為散估即今田宅報券輸錢之數所謂稅契也

畫卯 季存義役謠五更飯罷走畫卯水潦載道歸來晡  
 吊卷 青藤山人路史鈞調字今俱作吊如吊生員考試  
 吊文卷查勘俱誤吊生員應作調吊文卷應作鈞也寓  
 圃雜記移文中字有日用不知所自而未能正者如查  
 字音義竝與槎同水中浮木也今云查理查勘有稽攷  
 之義弔本傷也愍也今云弔卷弔册有索取之義票與  
 標同本訓急疾今以為票帖綽本訓寬緩今以為巡綽  
 其亦始方言歟

申解 雲麓漫鈔官府多用申解二字申之訓曰重今以  
 狀達上官曰申聞施于簡劄曰申呈皆無重義解古隘  
 切訓曰除而詞人上于其長曰解士人獲鄉薦亦曰得  
 解皆無除出之義舉世用之與歐陽子言打字正同

巡連 丹鉛錄今之場屋有巡綽官說文綽緩也詩寬兮  
 綽兮相如賦便嬛綽約皆是寬緩之義則巡綽字非當  
 作巡連樂府伏知道五更轉一更刁斗鳴校尉連連城  
 正是巡警之義此一大證也

僉押 南史故事府州部論事皆籤前直叙所論之事後  
 云謹籤具日下又云某官籤按籤即僉押之僉古今字  
 變耳

印窠 舊唐書德宗紀賜南詔異牟等金印銀窠黃滔  
 詩六窠只佩諸侯印梅堯臣詩丹砂挈印窠按今計印  
 之數曰畿窠觀此可明其義

騎縫印 北史盧同傳請總集吏部中兵二局勳簿對句  
 奏案于黃素楷書大字今本曹尚書以朱印印之明



兩通一關吏部一雷兵局與奏案對掌以防揩洗之偽更請征職白身具列本州郡縣三長之所并其實官正職仰本軍印記其上然後印縫各上所司騎縫印制見此南華經注督中也中兩間而立俗所謂騎縫也騎縫二字又見此

知會 通雅唐武后甲申轉帖百官令拜表百官但赴拜不知何事此蓋若今之都吏送知會部堂堂帖使司官知之

公會 隋書虞世基傳徐陵聞其名因公會一見而奇之議公事曲禮公事不私議鹽鐵論前議公爭文學引稱往古頗乖世務

奉憲 史記三王世家百官奉憲各遵其職書景帝紀

酷吏奉憲失中按穆天子傳受勅憲注云憲教令也

通行 周禮小行人疏吉禮軍禮賓禮天子頒之非所以通行之事故不言也按後世云通行曉諭同此又漢書高帝紀足下通行無所累此通行猶言行得開張敞傳王姬昆弟及王同族宗室通行為之囊橐此通行猶言通同意各殊別

施行 能改齋漫錄今朝廷行移下州縣必云主者施行本後漢黃瓊傳也按史記蕭相國世家便宜施行漢書京房傳房考功事得施行矣王莽傳誣罔天下不可施行俱先言之蔡邕獨斷巡狩還公卿以下陳洛陽都亭前下拜天子下車古語曰在車則下唯此時施行亦後漢言也

知左傳襄二十六年公孫揮曰子產其將知政矣魏了翁讀書雜鈔後世官制上知字如知府知縣始此按知政是總國內之政與後世知府縣猶若不同國語歸惠公而質子圉秦始知河東之政注云秦取河東之地而置官司故知河東之政此知字但屬一方官司尤與知府知縣之知脗合雲麓漫鈔唐制縣令闕佐官攝令曰知縣事李翱任上部誌文云攝富平尉知縣事是也仰孔平仲談苑今公家文移以上臨下皆用仰字北齊書孝昭紀詔定二王三恪是非禮儀體式亦仰議之用仰字始此按盧同請集勳簿表言仰本軍印記在齊孝昭之前須至朱子文集公移榜帖末多用須至字如云須至曉

示者須至曉諭約束者看定文案申狀亦云須至供申者按今公文中習為定式問其義則無能言之據歐陽公集相度銅利牒云無至悞事者五保牒云無至張皇鹵莽者亦俱用之篇末大抵戒之曰無至勸之曰須至其辭僅反正不同耳

照得又公移卷中每用照對二字如照對禮經凡為人子不蓄私財云云照對本軍去年交納人戶云云多不勝舉間用照得者唯約束侵占榜及別集委官收糴革米船隱瞞三條而已所云照對蓋即契勘之義照得則照對得之省文也今公移皆云照得無復用對字矣火速武則天詩火速報春知李俊民詩火速移床待孝先今官府徵逮榜帖亦習用按北史齊武成帝紀特愛

非時之物取求火急須朝徵夕辦火急與火速義同柳  
宗元詩勸君火急添功用蘇軾詩火急著書千古事徐  
積詩田事正火急而急有編窘之義今因嫌之不用  
無故擅入周禮士師掌國五禁之法書而懸于門閭注云  
古之禁書亾矣今官門有符籍官府有無故擅入其狎  
可言者

畱中不下見史記三王世家

交代漢書蓋寬饒傳歲盡交代自請願復畱後漢書傅

燮傳范津為漢陽與燮交代合符而去又交印見百氏

長慶集和劉夢得詩交印君相次塞惟我在前

去思漢書循吏傳序王成黃霸等所居民富所去見思

按去思立碑唐時已有集古錄虞城李令去思頌李白

撰文王適篆

德政碑永經濟水注昌邑有成人班孟堅碑建和十年

從事秦闔等刊石頌德政碑也

攀轅卧轍百孔六帖漢侯霸為臨淮太守被徵百姓攀

轅卧轍願畱期年按後漢書但云遮使者車或當道而

卧無四字成文

立生祠史記萬石君傳慶為齊相大治為立石相祠漢

書于定國傳其父于公為郡決曹決獄平郡中為之生

立祠曰于公祠按此立生祠之始至唐則此風漸盛其

見詩者朱慶餘送林使君云想得化行風土變州人應

為立生祠盧廷讓送友赴闕云却笑郡人畱不得感恩

惟擬立生祠

爾俸爾祿民膏民脂下民易虐上天難欺  
琬琰錄乾德三年立郡國戒石碑上勒爾俸爾祿云云十六字採孟昶之辭也玉海紹興二年六月詔有司摹勒黃庭堅所書太宗戒石銘徧賜守令重刻之廷石容齋續筆載孟昶全辭云朕念赤子肝食宵衣言之令長撫養惠綏政存三異道在七絲驅蝗為理畱犢為規寬猛得所風俗可移無令侵削無使瘡痍下民易虐上天難欺賦輿是切軍國是資朕之賞罰固不踰時爾俸爾祿民膏民脂為民父母莫不仁慈勉爾為戒體朕深思凡二十四句但語皆不工惟經表出者詞簡理盡集古錄戒碑起唐明皇特不見其辭耳明皇擇令一百六十三人賜以丁寧之戒其後天下為縣者皆以新戒刻石七修類稿至

元癸巳吾浙戒石銘別有四句云天有貽鑒國有明法

爾畏爾謹以中刑罰

兼聽則明偏聽則闇管子君臣篇民別而聽之則愚合

而聽之則聖乃此語所本

旁觀者審當局者迷鹽鐵論從旁議者易是其當局則

亂唐書元行沖傳當局稱迷旁觀必審

當斷不斷反受其亂更記齊悼惠世家引道家之言云

云春申君傳贊引語云云後漢書楊倫傳當斷不斷貴

石所戒注引黃石公三畧曰當斷不斷反受其亂晉書

慕容垂載記弟德進言亦引語云當斷不斷反受其亂

又羊祜傳當斷不斷天與不取豈非更事者恨于後時

哉南史齊宗室傳子良失在儒雅當斷不斷

上不正下參差 楊泉物理論引語云云

謾上不謾下 宣政雜錄靖康初民間以竹徑二寸長五

尺許冒皮于首鼓之因其製作之法謂曰謾上不謾下

通衢用以為戲云

上明不知下暗 見張國賓薛仁貴劇

人心似鐵官法如鑪 見王仲文救孝子曲

急急如律令 李濟翁資暇錄符咒之類末句云急急如

律令人以為飲酒之律令不得停滯非也令宜平聲律

令乃雷邊捷鬼此鬼善走與雷相疾速故云如此鬼之

疾走也演繁露風俗通論漢法九章因言曰大吏者治

也當先自正然後正人故文書下如律令言當承憲履

繩動不失律令也今符咒家凡行移悉倣官府制度則

其云如律令者亦倣官府文書為之不必鑿言雷鬼也

雲麓漫鈔五字本漢公移常語張天師漢人故承用之

道流至今祖述按文選陳琳為袁紹檄豫州末云如律

令注如程氏引風俗通之說又琳檄吳將校部曲末亦

云如詔律令史記三王世家亦云當用如律令援以證

之愈見資暇之說之鑿

一朝權在手看取令行時 宋灣奉使設宴戲擲籠籌詩

官無悔筆罪不重科 古今譚槩載袁節推酒令引俗語

云云 一字入公門九牛曳不出 晉燈錄黃龍慧南禪師嘗舉

揚此語

公門好修行 見元曲選岳百川鐵拐李楊顯之酷寒亭

二劇

事官千日失在一朝 傳燈錄王延彬問朗上座捧爐神  
為甚翻却茶朗荅云云

*[Faint bleed-through text from the reverse side of the page, including characters like '古今', '宋', '林', '文', '未', '必']*

